

## ■ LUMBREIN / VRIN

Sur  
Jacek Kubica  
ha demissiu nau

(anr) Sur Jacek Kubica ha inoltrau la demissiu sco plevon-administratur dallas pleivs da Lumbrein e Vrin per la fin da fenadur d'uonn. Quei ei vegniu enconuschent a caschun dallas radunonzas dallas duas pleivs.

Sur Jacek Kubica ha surpriu 2002 – pia avon biebein endisch onns – la pleiv da s. Martin a Lumbrein. Quella era stada vacanta in decenni. Durent quei temps vevan sora *Giulitta Livers*, gidontra pastorala, e sur Giuseppe Alig, provisor, procurau la pastoraziun dalla pleiv lumerina.

2009 ha sur Jacek Kubica era surpriu la pastoraziun dalla pleiv da Vrin. Quella era daventada vacanta suenter che sur Giuseppe Alig fuva seretrats ed ius ella casa d'attempai a Flem, nua ch'el ei morts avon biebein in onn.

Sco sur Jacek Kubica, in spiritual d'origin polac, ha schau saver, eis el staus bugen plevon entadem la Lumnezia. Suenter biebein diesch onns seigi ei denton indicau da far ina midada, ha il plevon demissiuont manegiau.

## ■ BALLAPEI

Ina runda per  
Schluein Glion

(anr/gv) Mels ei buca stau ina buna mesira per Schluein Glion egl'emprengiu dalla runda da primavera. La maschina da gols ha funcziunau ed ils Sursilvans han gudignau 7:1. L'emprema runda da primavera ei ida cumplein en favur dil capogruppa. Cun excepziun da Sargans han tut ils persequitaders piars puncts.

En quarta ligia ha Trun/Rabius buca brigliau encunter Domat. El giug da casa encunter il secund davos ha l'equipa da Corsin Cavegn stuiu secuntertar cun in 1:0.

## 3. ligia, gruppa 1

Bogn Ragaz – Valposchiavo	1:1
Cuera United – Balzers	4:1
Landquart – Tusaun/Cazas	1:1
Sevelen – Schlarigna	3:1
Walenstadt – Sargans	0:1
Schluein Glion – Mels	7:1

1. Schluein Glion	12	8	2	2	48:19	26
2. Sargans	12	8	1	3	19:12	25
3. Bogn Ragaz	12	7	2	3	31:20	23
4. Landquart	12	7	2	3	37:15	23
5. Balzers	12	6	3	3	25:27	21
6. Walenstadt	12	5	5	2	21:16	20
7. Valposchiavo	12	6	2	4	25:21	20
8. Sevelen	12	4	3	5	16:18	15
9. Cuera United	12	4	0	8	24:35	12
10. Tusaun/Cazas	12	3	3	6	21:21	12
11. Mels	12	2	0	10	12:50	6
12. Schlarigna	12	0	1	11	9:36	1

## 4. ligia, gruppa 2

Panaduz – Danis-Tavanasa	4:1
Vaz-sut – Laax	5:0
Schluein Glion – Val	1:1
Cuera 97 – Val Tamina	6:3
Trun/Rabius – Domat	1:0

1. Vaz-sut	10	9	1	0	31:5	28
2. Cuera 97	11	7	3	1	40:17	24
3. Trun/Rabius	11	7	1	3	21:15	22
4. Panaduz	11	7	0	4	30:17	21
5. Lumnezia	9	5	3	1	22:17	18
6. Val	11	4	4	3	16:12	16
7. Danis-Tavanasa	11	3	1	7	15:26	10
8. Val Tamina	10	2	1	7	15:33	7
9. Schluein Glion	10	1	4	5	15:28	7
10. Domat	11	2	1	8	16:23	7
11. Laax	11	1	1	9	10:38	4

reclama

**RIMUSS**  
100% natürlich. Ohne Alkohol.

## Negin problem cun «Le problème»

Il Chor da juvenils Surselva ei sededicaus alla ritmica

■ (anr/abc) «Senza ritmus va nuot»: Quell'exclamaziun capeschan biars buca. E tuttina eis ei impurtont da sentir il ritmus. Tier in chor da juvenils, cun vuschs frestgas, cantadurs e cantaduras agils e senza retenient-schas, ei gliez denton zatgei essen-zial. Che quei ei aschia ha il Chor da juvenils Surselva mussau en siu concert communabel culla gruppa «Drumbaderos» da Cuera. «Giuvenils el ritmus, cun cant e percussiuon»: Aschia il tetel dil concert. Eis ei era stau. Durent in'ura ed in quart ha igl auditori saviu seschar puppergnar da melodias, mo cunzun dalla ritmica. En memoria speciala ei l'interpretaziun da «Le problème» per chor da dunnas stada. Las cantaduras han schau vegnir a plaid Ivo Antognini. 1963 ha quei cumponist fatg in toc cul qual el accentuescha la ritmica. Durent varga treis minutas han las cantaduras dil chor cantau, recitau e sblatschau. Suns e tuns cun ina tempra mischedada tier la tematica dil problem ch'il cumponist ha giu. Giud la tribuna dalla Fermata a Falera ha quei tunau sco d'ina gruppa d'Africanas.

«Le problème» ei buca staus in problem, silmeins pigl auditori buca. La dirigenta *Rilana Cadruvi* sa motivar, quei ein ins s'encurschius. En quei chor pari da reger in bien spért, igl ei in dar ed in prender. La dirigenta gauda l'amicizia, l'agilitad e la frestgadad, cantaduras e cantadurs sia competenz e professionalitad. Il concert ei staus a fin memia spert. Ellas treis parts han ins capiu bein ils texts ed ha astgau suandar la ritmica. Era l'articulaziun dils lungatgs jasters e dil latin ha pariu completa e d'ina qualitat elevada. Il chor persul ha cantau ogtocs. Tier in ha il giuven da 19 onns *Nicolas Blumenthal* presentau in solo – cun ina vusch se'in titan dall'opera. La gruppa Drumbaderos dalla Scuola da musica da Cuera ha cooperau a quei concert. Ins ha saviu serrar ils egl e se-schar ir dils ritems dalla gruppa. Cul marimbofon, schumbers pigns e gronds, lenns, scalins e bia dinamica han els mussau tgei che ritmica ei. Ils diesch giuvens cul menader *Eckart Fritz* han era cooperau tier quater canzuns cul chor. Tier in tal concert ve-

gnan ins dil reminent adina puspei pertscharts ch'ils giuvens contan bia e bugen.

Il Chor da juvenils Surselva duei aunc viver biars biars onns e far tals plaschers agl auditori.

Cantaduras  
e cantadurs

**Sopran:** Flury Sarah-Lea, Giger Christina, Werro Martina, Bertogg Flavia, Cavigelli Daniela, Cantieni Flurina.

**Alt:** Degonda Paloma, Casaulta Elena, Candinas Iris, Schmed Sarah Lea, Flury Daria, Werro Bertina, Collenberg Maria Luisa.

**Tenor:** Blumenthal Nicolas, Gantenbein Sandro, Bundi Claudio, Tuor Giuachin.

**Bass:** Arpagaus Flurin, Bundi Clau Martin, Bundi Flavio, Albin Corsin, Blumenthal Dominic, Bertogg Julian.



Il chor da juvenils durent l'interpretaziun d'in toc communabel.

FOTO A. BEELI

## Cun optimissem egl avegnir

■ (cp) Ils mistregns da miradura e scrinariA han avegnir – per quei motiv organischa la Scuola professionala industrialia Glion ensemen cullas associaziuns professionalas da scrinaris e miradurs in ulteriur di d'informaziun cun in program attractiv. «Il scrinari da rock» – aschia vegn el numnaus da ses amig e collegas da lavur. *Luca Cadonau* ei el tierz onn d'emprendissadi sco scrinari e suna en siu temps liber en ina band da rock. «Mei fascinescha la lavur cul lenn, in product natural il qual ins sa duvrar per aschi bia differentas causas.» Luca appreziescha vid sia lavur eligida la variaziun. Mintgaton lavura el ordaviert e lu puspei el luvratori ni sin in baghetg. Luca vegn a star il di d'informaziun a disposiziun per damondas che concernan il mistregn da scrinari.

## Tschappar en el team

Era *Mathias Tönz*, imprendist da miradur egl'emprengiu onn, vegn a dar ils 10 d'avrel informaziun tier la scolaziun. Las incumbensas multifaras ed ils differents loghens da lavur fan ad el special tschaffen vid siu mistregn.

«Impurtont ei», di Mathias, «ch'ins lavura bugen corporalmeins.» El cussegliu siu mistregn a tut quels e quellas che lavuran bugen en in team, che han tschaffen da tschappar en e ch'ei bugen ell'aria frestga.

## Attracziun a Glion

Ils interessents per il mistregn da miradur spetga ina speciala attracziun. Il vehichel d'informaziun dallas «Maurerlehnhallen» a Sursee sa vegnir contempaus l'emprema gada a Glion. Quei carr ei buca mo semplameins in grond camiun, mobein plitost ina plattafuorma interactiva che muossa sin fundament da touchscreens, dvd's e la tabla d'informaziun il mistregn sil baghetg. Quei carr d'informaziun ei 13 meters liungs e vegn plazzaus sil plaz-fiera a Glion. Cun sia dimensiun vegn el segir a rimnar las egliadas.

Il mistregn da siemi  
scrinari/miradur

Ch'ils mistregns da scrinariA e miradurA han avegnir e che quels mistregns porschan in fundament optimal per in svilup professional – quei confirman buca mo Luca e Mathias.

Era *Casimir Schmid*, il menader dalla Scuola professionala industrialia ei perschuadiu che la bransch da baghetg vegn era a saver duvrar els proxims onns miradurs competents cun ina buna scolaziun. Plinavon ein las pusseivladads da sescolar vinavon per omisud mistregns attractivas e multifaras: digl architect pigl interiur sur menader da construcziun tochen tier ils mistregns tecnicos.

## Di d'informaziun

Per tut ils interessai – oravontut per ils scolars e las scolaras dil scalem superiu – che han gust d'emprender d'enconuscher quels interessants mistregns organischa la Scuola professionala industrialia mesjamna, ils 10 d'avrel 2013 in di d'informaziun cun in program variont. Ils scrinaris visetan ina gronda scrinariA ella regiun ed ils miradurs san visitar il carr d'informaziun cun accumpignament competent.

Entschatta ei allas 09.00 ella Scuola professionala industrialia a Glion, Schulstrasse 22 (mira il program detagliu silla pagina d'internet: [www.bzs-surselva.ch](http://www.bzs-surselva.ch))

Viafier Matterhorn  
Gottard conderscha  
dividenda

■ (anr) L'jamna vargada ha la radunonza generala dalla Viafier Matterhorn Gottard giu liug ad Andermatt. Ella ei stada ell'enzenna dil giubileum da diesch onns dalla viafier. Las acziunaras ed ils acziunaris dall'impresa han dau suatientscha a tuttas propostas dil cussegl d'administraziun. Aschia han els era deciduu da conderscher ina dividenda dad 1.55 francs per azia. Il recav dalla Viafier Matterhorn Gottard ha contonschiu 95,7 milliuns francs igl onn 2012.

Cun 10,9 milliuns francs ein las entradas dil Glacier Express stadas per sulettamein 0,5 pertschien sut igl onn precedent. El traffic regiunal ha la viafier saviu augmentar il recav per 5,8 pertschien sin rodud 40 milliuns francs. Enteifer la direcziun dalla Viafier Matterhorn Gottard ha ei dau igl onn da fatschenta passau differentas midadas. *Fernando Lehner* ha surpriu il settembre vargau la direcziun da *Hans-Rudolf Mooser*. Niev menader dalla partiziun da marketing e distribuiziun daventa *Marco Tacchella* e *Martin Berchtold* daventa successur da *Peter Rüttimann* sco responsabel pil menaschi. La funcziun sco cau dil material rullont, tracziun e cumpra surpren *Ivan Pfammatter* da *Fernando Lehner*.

Per puder tener quen allas pretensius futuras ha la viafier deciduu d'investar 106 milliuns francs en material rullont niev. La finamira dall'impresa ei da francar siu profil sco viafier d'aventura.

Ina dallas mesiras previdas en quei connex ei da sviluppar vinavon il Glacier Express e da posizuniar quei product sin novas fieras da clientella.

## ■ MOUNTAINBIKE

Buna entschatta  
pils Sursilvans

(anr/gv) *Nino Schurter* ha gudignau l'emprema cuorsa dil cup svizzer avon il Tudestg *Manuel Fumic*. Alla cuorsa a Schaan ei la pli gronda part dall'elita svizra separticipada ed in da quels ei era *Giancarlo Sax* da Flond staus. Il commember dalla squadra «Big Friends» ei seclassaus egl excellent 20avel rang. Cun quei plaz ei il sportist da 24 onns buca staus diltut contentes. Contentes eis el denton staus d'insumma vegnir ell'arrivada. Suenter duas tiarzas dalla cuorsa era *Giancarlo Sax* aunc denter ils emprems diesch, ha denton stuiu pagar igl ault temps. «Ella davosa runda eran las battarias vitas.»

Aunc buca sin turas ei siu camerat da squadra *Dumeni Vincenz* d'Andiast vegnius. Quei ei denton buca stau ina supresa. En tests il mars eri semussau ch'el sto aunc haver in tec pazienza. Il 55avel rang en ina beinfrequentada cuorsa seigi buc il plaz ch'el hagi spitzgau, seigi denton buns avunda per mirar cun optimissem egl avegnir.

## Resultats

**Elita:** 1. Nino Schurter, 1.32.07.8; Plinavon: 20. Giancarlo Sax, Laax, 1.36.46.7; 55. Dumeni Vincenz, Andiast, ina runda anavos.  
**Juniors:** 1. Simon Vitzthum, Rheineck, 1.06.22.9; Plinavon: 6. Andrin Beeli, Sagogn, 1.08.27.4.  
**Junioras:** 1. Greta Weithaler, Italia, 1.06.17.8; Plinavon: 8. Pierina Beeli, Sagogn, 1.14.19.9.  
**Amaturs:** 1. Andri Frischknecht, Feldbach, 1.05.37.4; Plinavon: 24. Mathias Alig, Val, 1.11.32.8.  
**Buobs hard:** 1. Filippo Colombo, Bironico, 45.27.2; Plinavon: 8. Vital Albin, Tersnaus, 46.54.0; 65. Ronny Caduff, Laax, 56.04.1; 79. Darro Mensing, Glion, ina runda anavos.  
**Buobs mega:** 1. Tim Meier, Tiaratudestga, 40.53.7; Plinavon: 37. Noah Malin, Sevegin, 47.42.9; 46. Silas Valaulta, Domat, 50.25.3.  
**Buobs mega:** 1. Leonie Daubermann, Tiaratudestga, 45.25.4; 25. Madleina Vieli, Glion, ina runda anavos.  
**Buobs rock:** 1. Stiven Thür, Berneck, 30.07.9; Plinavon: 6. Jan Jörger, Glion, 32.15.2; 15. Mauro Mensing, Glion, 34.20.7; 21. Sabrin Derungs, Vella, 35.29.9.  
**Buobs rock:** 1. Ronja Blöchliger, Heiden, 35.09.3; Plinavon: 10. Celine Caduff, Laax, 41.13.3